



Bilete: Blåbretind, Sykkylven, fotograf: Kjell Magnar Berli

Årsmelding 2019 Sunnmøre kontrollutvalsekretariat IKS

ÅRSMELDING FRÅ STYRET 2019 OG ÅRSREKNESKAPEN 2019

Presentert for møte i representantskapet onsdag 10. juni 2020.

Årsmelding frå styret 2019

Selskapet driv sekretariatsarbeid for kontrollutvala i eigarkommunane med heimel i kommunelova og forskrift om kontrollutval. Sunnmøre kontrollutvalsekretariat IKS var i 2019 eigd av kommunane Midsund, Giske, Norddal, Stordal, Stranda, Sula, Sykkylven, Ørskog, Sandøy, Haram, Skodje og Ålesund.



Bilete: Frå siste møte i Skodje kontrollutval 20. november 2019.

Selskapet har kontor i Ålesund, men legg vekt på å møte brukarar og eigarar ute i kommunane noko som medfører reiser. Selskapet har i tillegg til dagleg leiar på fulltid også ansatt juridisk rådgjevar med 10 % stilling. I tillegg leiger selskapet inn sekretærhjelp etter behov.

Året 2019 har vore prega av førebuing til situasjonen etter 01.01.2020. Både endring av selskapsavtale, reduksjon i antal eigarkommuner frå 12 til 6 etter 01.01.2020, og førebuing til ny kommunelov har tatt mykje administrativ tid i sekretariatet.



Bilete: Tidlegare styreleiar av selskapet og leiar av Stranda kontrollutval 2015-2019 får blomar av rådmann Åse Elin Hole.

Selskapet har vidare levert tenester innan saksførebuing og møteverksemd, uttalar til kommunane sine årsrekneskapar, bestilling av forvaltningsrevisjonar og selskapskontroll, samt førebudd behandlinga av forvaltningsrevisjonar og selskapskontroll i kontrollutvala. Kontrollutvalsekretariatet lagar også eigne kontrollrapportar som ligg utanfor revisjonsmandatet og som dermed ikkje er definert som revisjon.



Bilete: Årets første jordbær i Norddal kontrollutval, 22. mai 2019.

Kontrollutvala har blitt stadig meir førespurt om å avklare, undersøke og vurdere problemstillingar både frå enkeltpersonar og kommunestyra i den enkelte kommune. Sekretariatet får dermed også ei oppgåve i å avgrense kontrollutvala sitt arbeid som tilsynsorgan, og oppgåvene har stadig blitt meir komplekse og tidkrevjande. Selskapet ønskjer so langt som mogleg å etterkom slike bestillingar.



Bilete: Frå den årlege kontrollutvalskonferansen på Gardermoen i regi av kommunerevisorforbundet, 30. og 31. januar 2019.

I 2019 har representantskapet hatt 3 møte, styret hatt 4 møte og behandla 16 saker. Selskapet har medverka til å avvikle 52 kontrollutvalsmøte og å handsame 228 saker.



Bilete: Frå siste møte i Sandøy kontrollutval 18. november 2019.

Framleis drift

Årets resultat gir etter styret si vurdering eit rettvisande bilde av selskapet si økonomiske stilling 31. desember 2019 og for resultatet i rekneskapsåret i samsvar med god rekneskapskikk i Noreg. Årsresultatet for 2019 er på 112.235,-. Økonomien i selskapet er god.

Selskapet si drift skal vere basert på sjølvkost og vere sikra gjennom selskapsavtalen.

Størrelsen på det akkumulerte overskotet må vurderast i forhold til dette. Styret meiner derfor at det er rett å legge fortsatt drift av selskapet til grunn ved avlegging av årsrekneskapen.

Arbeidsmiljø/ytre miljø, likestilling

Selskapet har hatt 1,1 stilling gjennom heile 2019. I tillegg har det blitt kjøpt tenester frå andre slik som budsjettet opnar for. I styret er både kvinner og menn representert. Selskapet sin aktivitet forureinar ikkje det ytre miljøet. Det har i 2019 ikkje vore sjukefråvær.





Bilete: frå siste møte i Midsund kontrollutval 15. oktober 2019. Utvalsmedlem Tove Opstad hadde baka verdas beste marsipankake.


Andre forhold


Styret kjenner ikkje til forhold etter rekneskapsåret sin utgang som har betydning for stillinga og resultatet i selskapet.

Ålesund, 15.04.2020


Svein Ove Søholt
Styreleiar


Anne Lise Hessen Følsvik
Nestleiar


Rolf Bergmann
Styremedlem


Bjørn Tømmerdal
Dagleg leiar
Sunnmøre kontrollutvalsekretariat IKS